

Tribunal cualificador do proceso selectivo para cubrir 44 prazas da categoría profesional de técnico/a de servizos xerais, grupo III, pola quenda de promoción interna, da USC, convocadas por Resolución Reitoral do 5 de abril de 2024 (DOG nº77 do 18.04.24)

O Tribunal Cualificador do proceso selectivo para o acceso a categoría profesional de técnico/a de servizos xerais, grupo III, da Universidade de Santiago de Compostela en sesión celebrada o día 27 de novembro de 2024, ACORDOU:

PRIMEIRO.- Facer públicos os **criterios de corrección** das probas correspondentes ao primeiro exercicio (coñecemento de idioma galego) que terá lugar a 18 de decembro de 2024, ás 9:00 h, na aula 3 da Biblioteca Concepción Arenal, Campus Vida. (Convocado en Resolución publicada DOG nº 202 Martes, 18 de outubro de 2024):

O nivel de coñecemento da lingua galega esixido é o correspondente ao Celga 3, tal e como se establece na *Orde do 16 de xullo de 2007 pola que se regulan os certificados oficiais acreditativos dos niveis de coñecemento da lingua galega (Celga)* publicada no Diario Oficial de Galicia do 30 de xullo de 2007. Terase en conta tamén o establecido na *Orde do 10 de febreiro de 2014 pola que se modifica a Orde do 16 de xullo de 2007, pola que se regulan os certificados oficiais acreditativos dos niveis de coñecemento da lingua galega (Celga)*.

O nivel correspóndese tamén co nivel B2 do *Marco europeo común de referencia para as linguas: aprendizaxe, ensino, avaliación*, elaborado polo Consello de Europa e do que existe tradución a diversas linguas europeas, entre elas ao galego.

A proba de galego consta de dúas partes, unha parte escrita e outra oral. Os criterios seguidos para avaliar cada unha destas partes son os seguintes:

Proba escrita

Avaliarase a ADECUACIÓN, terase en conta que se resolva a actividade en termos xerais, que se cumpra coa extensión requirida e se traten os puntos esixidos na tarefa cunha información adecuada. Valorarase que o formato textual e o rexistro sexan os adecuados.

Avaliarase a COHESIÓN e a COHERENCIA, que se presente a información organizada, que se faga un uso correcto e variado dos conectores e que se usen de xeito correcto os signos de puntuación.

Avaliarase a GRAMÁTICA, que non haxa erros morfolóxicos, sintácticos ou ortográficos.

Avaliarase o LÉXICO, isto é, a variedade e riqueza léxica, a corrección, precisión e amplitude do vocabulario empregado.

Proba oral

Avaliarase a ADECUACIÓN, que se resolva a actividade en termos xerais, que a produción se adapte á finalidade do acto comunicativo e ao contexto, e que o rexistro empregado sexa o adecuado.

Avaliarase a INTERACCIÓN, que se empreguen estratexias de colaboración co interlocutor e que se faga uso da quenda de palabra con naturalidade.

Avaliarase a COHESIÓN e FLUIDEZ, que se presente a información ben organizada e as ideas ben enlazadas, do xeito máis fluído posible.

Avaliarase a PRONUNCIA e a ENTOACIÓN, que a pronuncia sexa correcta e que se faga un uso axeitado da fonoloxía galega.

Avaliarase a GRAMÁTICA, que non haxa erros morfolóxicos ou sintácticos.

Avaliarase o LÉXICO, isto é, a variedade e riqueza léxica, a precisión e amplitude do vocabulario empregado.

SEGUNDO: Convocar as probas do primeiro exercicio da fase de oposición (probas de lingua galega) o **día 18 de decembro de 2024, ás 09.00 horas, na aula 3 da Biblioteca Concepción Arenal:**

Primeira proba.-Comprensión escrita ou comprensión oral + expresión escrita. A duración máxima desta proba será de noventa minutos.

Segunda proba.-Comprensión escrita ou comprensión oral + expresión oral. A duración máxima desta proba será de quince minutos por persoa aspirante.

TERCEIRO: Informase dos seguintes aspectos relacionados coa organización do exercicio:

- Os aspirantes deberán vir provistos de documentación oficial con fotografía, que permita a súa identificación (DNI, pasaporte)
- As persoas aspirantes deberán de vir provistas de bolígrafo azul ou negro.
- Non se poderá acceder á proba con teléfonos móbiles, axendas electrónicas, reloxos intelixentes ou calquera outro tipo de dispositivo electrónico. Non se

dispón de ningún tipo de servizo ou depósito para recollida e custodia deste tipo de dispositivos non autorizados.

- A entrada á proba será por chamamento, que se iniciará ás 09:00 horas

O presidente do Tribunal,

José Ángel Carrillo Presedo

Documento asinado dixitalmente conforme a Lei 39/2015 de 1 de outubro, do procedemento administrativo común das administracións públicas (BOE nº 236 do 2 de outubro de 2015)

Sinatura dixital / Firma digital / Digital signature

Asinante/Firmante/Signer: JOSE ANGEL CARRILLO PRESEDO, NIF ***7216**, 10/12/2024 13:52:59.

CSV: 1E4D-96B2-4A59-B9F4